

**PEMBERITAHUAN PERTANYAAN DEWAN RAKYAT**

PERTANYAAN: BERTULIS

DARIPADA: Y.B. DATUK MOHD IDRIS BIN JUSI

SOALAN:

**Datuk Mohd Idris bin Jusi [ Batu Pahat ]** minta **MENTERI SUMBER MANUSIA** menyatakan berapa jumlah penduduk yang termasuk dalam kategori belia, dan berapa jumlah yang menganggur. Apakah tindakan yang dilakukan untuk mengatasi masalah pengangguran belia dan setakat mana keberkesanannya.

PR-1323-T64465

**JAWAPAN:**

Tuan Yang Dipertua,

1. Mengikut statistik Jabatan Perangkaan Malaysia, sehingga bulan Jun 2014, terdapat seramai 13.8 juta orang belia yang berumur antara 15 tahun hingga 40 tahun. Daripada jumlah tersebut seramai 365,300 (2.6%) orang belia adalah penganggur atau sedang mencari pekerjaan.
2. Di antara program yang dilaksanakan oleh kerajaan bagi membantu para belia yang menganggur mendapat pekerjaan adalah melalui Program Penempatan Pekerjaan (3P) yang dilaksanakan

oleh Kementerian Sumber Manusia. Di bawah Program 3P ini, beberapa aktiviti dilaksanakan seperti karnival pekerjaan, *night career fair* dan lain-lain.

3. Program-program yang dilaksanakan tersebut adalah sangat berkesan bagi membantu golongan belia untuk mendapat pekerjaan yang bersesuaian dengan kelayakan dan keperluan serta membantu peningkatan kerjaya. Jumlah keseluruhan sehingga September 2014 seramai 167,509 orang pencari kerja berjaya ditempatkan dalam pekerjaan termasuk belia.